



26. april 2012

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

**Naalakkersuisunut apeqqut:**

**1. 2011-mi Ukiakkut Inatsisartut isumaqatigiissutigaat inuuusuttut inersimasullu naqinnernik takunnissinnaanngitsut kiisalu atuarnermik allannermillu ajornartorsiutillit ikiorserniarlugit nuna tamakkerlugu pilersaarusiortoqassasoq. Pineqartumi iliuusissanut pilersaarusiorneq sumut killippa ?**

(Inatsisartunut ilaasortaq Andreas Uldum, Demokraatit)

**Tunngavilersuut:**

Demokraatini inunnut ataasiakkat inuaqatigiinnullu pingaaruinnartuusutut isigaarput kikkut tamarmik inuutissarsiutigiligassaminnik ilinniagaqarnissaat. Taamaattumik pingaartorujussuuvooq innuttaasut atuarnissaminnut ajornartorsiutillit eqqortumik ikiorneqarnissaat piginnaanngorsarnissaminnut, ilinniakkaminnik naammassisqaarsinnaalerlugit.

Naatsumik oqaatigalugu tamanna tunuliaquataavoq 2011-mi ukiakkut ataatsimiinnermi siunnersuuteqarninnut, inuuusuttut inersimasullu naqinnernik takunnissinnaanngitsut kiisalu atuarnermik allannermillu ajornartorsiutillit ikiorserniarlugit nuna tamakkerlugu pilersaarusiortoqassasoq. Nuannaarutigilluinnakkannik Inatsisartuni ilaasortat tamarmik akuerseqataapput.

Kulturimut, Ilinniartitaanermut, Ilisimatusarnermut Ilagiinnullu Ataatsimiitaliaq isumaliutissiissummini Naalakkersuisut ersarissumik kaammattorpai, siunnersummik suliaqarnermi killiffik pillugu ataatsimiitaliaq ilisimatinneqassasoq maannakkut ataatsimiinenrup ingerlanerani.

Neriuppunga killiffik pillugu nassuaat takkutigajalersoq, soqutigaarali qaugu pinissaa tusassallugu, neriuutitingakku iliuusissanut pilersaarut aqqutigalugu naqinnertik takunnissinnaanngitsorpassuit aamma/imaluunniit atuarsinnaanatillu allassinnaanngitsut pitsaanerusumik inuuneqalernissaat ikiorserneqarumaartoq.

Innuttaasut taakku imaqqarnerusumik inuuneqalernerisa saniatigut Demokraatini naatsorsuutigaarput, pineqartumi iliuusissanut pilersaaruteqalernikkut inuaqatigiiit aningaasarsiorerat aamma ikorferneqartumaartoq, kingunerisinnaammagu innuttaasut atuarsinnaanatillu allassinnaanngitsut ullumimut naleqqiullugu ilinniakkaminnik naammassinninnissaminut periarfissarissaarnerulernissaat, ilinniagartillu nunami maani atorlugu sulilerlutik.

Apeqqut akeqquneqarpoq piffissarititasut ullut suliffiit naliginnaasut qulit ingerlaneranni.



**DEMOKRAATIT**  
DEMOKRATERNE